


東坡集

一

據中國國家圖書館藏宋刻  
本影印原書版框高二十  
二釐米寬十四釐米



已圖 前冊

殘宋本東坡集三十冊

此書係宋本東坡集殘本



殘宋本東坡集三十冊向為蘇州汪氏臧咸豐九年己未庸楚白  
持來收之內缺二十五至三十二八卷又三十四五一缺卷共九  
卷三十九卷下未知有缺否當亦无多也此書為坊賈款充作全  
書撰題板口多經挖改茲為細檢逐冊面注明并將缺葉注出庶  
不為坊賈所誤此冊末有記語一行十二字云至正廿三年二月  
廿三日借讀不署姓名字雖未必佳玩其筆意必非出近人手而  
書中汪氏一印外絕不見他人收藏印蓋此書前後殘缺他人印  
因之失去即記語一行其姓名署於書後而今并失去也亦或有  
之也此書原屬燼餘此冊末穿綫紙焦黑或亦絳雲中物雖書  
之遭劫不必絳雲而絳雲不幸亦有此老話則亦可以疑得矣七  
月四日應陸記





對冰雪顏瘦骨拔凜凜蒼根漱潺潺唐人唯奇  
章好石古莫攀盡令屬牛氏刻鑿紛班班嗟此  
本何常聚散實循環人失亦人得要不出區寰  
君看劉李末不能保河關況此百株石鴻毛於  
太山但當對石飲萬事付等閑



壬寅二月有 詔令郡吏分往屬縣  
減決囚禁自十三日受命出府至寶  
雞號郿蓋屋四縣既畢事因 朝謁  
太平宮而宿於南溪溪堂遂竝南山  
而西至樓觀大秦寺延生觀仙遊潭

東坡集第一

十九日迺歸作詩五百言以記凡所  
經歷者寄子由

遠人罹水旱 王命釋俘囚分縣傳明詔循山  
山得勝遊蕭條初出郭曠蕩實消憂薄暮來孤  
鎮登臨憶武侯崢嶸依絕壁蒼茫瞰奔流半夜  
人呼急橫空火氣浮天遙殊不辨風急已難收  
曉入陳倉縣猶餘賣酒樓煙煤已狼藉吏卒尚  
呀咻十三日宿武城鎮即俗所謂石鼻寨也云  
孔明所築是夜二鼓寶雞火作相去三十  
於武城見雞嶺雲霞古龍宮殿宇幽縣有雞爪南  
山連大散歸路走吾州欲往安能遂將還為少

留回趨西虢道却渡小河洲聞道磻溪石猶存

渭水頭蒼崖雖有迹大釣本無鉤十四日自寶

太公磻溪石在縣東南十八里東去過郿塢孤

城象漢劉誰言董公健竟復伍孚讎白刃俄生

肘黃金漫似丘十五日至郿縣縣有董卓城平

生聞太白一見駐行騶鼓角誰能試風雷果致

不巖崖已竒絕冰雪更瑯鏤春早憂無麥山靈

喜有湫蛟龍懶方睡餅罐小容偷是日晚自

二曲林泉勝三川氣象侔近山楚變早臨水竹

篁脩殊早縣有官竹園十數里不絕先帝膺

符命行官畫冕旒侍臣簪武弁女樂抱笙篴秘

殿開金鑲神人控玉蚪黑衣橫巨劔被髮凜雙

眸十七日寒食自蓋至東南行二十餘里朝

時有神降於道士張守真以告受命邂逅逢佳

士相將弄絲舟投篙披綠荇濯足亂清溝晚宿

南谿上森如水國秋遶湖栽翠密終夜響颼颼

是日與監官張果之汎冒曉窮幽邃操戈畏炳

彪十八日循終南而西縣尉以甲卒尹生猶有

宅老氏舊停輶問道遺蹤在登仙往事悠馭風

東坡集卷第一 三

歸汗漫閱世似蜉蝣羽客知人意瑤琴繫馬鞦  
不辭山寺遠來作鹿鳴呦帝子傳聞李巖堂髣  
像緱輕風幃幔卷落日髣髴愁入谷音浴驚蒙密  
登坡費挽樓亂峯巉似槩一水淡如油中使何  
年到金龍自古投千重橫翠石百丈見游鯈最  
愛泉鳴洞初嘗雪入喉滿餅雖可致洗耳歎無

由是日遊崇聖觀俗所謂樓觀也乃尹喜舊宅

寺山脚有授經臺尚在遂與張果之同至大秦

至寺早食鹿鳴之引乃去又西至延生觀後上

小山數里有唐玉真公主修道之遺迹下山而西行

潭寺三倚峻峯面清溪谷中有潭名仙澗上教

興揚徐中食頃乃不見其清激如此遂宿於中

泉二餅歸至郡忽憶尋蟆培方冬脫鹿裘山川

良甚似小石亦堪儔惟有泉傍飲無人白獻酬

昔與子由遊蟆培時方冬洞中温温如二三月

太白山下早行至橫渠鎮書崇壽院

壁

馬上續殘夢不知朝日昇亂山橫翠障落月淡

孤燈奔走煩郵吏安閑媿老僧再遊應眷眷聊

亦記吾曾

留題延生觀後山上小堂



溪山愈好意無厭上到巉巉第幾尖深谷野禽  
毛羽怪上方仙子鬢眉纖不慙弄玉騎丹鳳應  
逐常娥駕老蟾澗草巖花自無主晚來蝴蝶入  
踈簾

留題仙遊潭中興寺寺東有玉女洞  
洞南有馬融讀書石室過潭而南山  
石益竒潭上有橋畏其險不敢渡

清潭百丈皎無泥山木陰陰谷鳥啼蜀客曾遊  
明月峽秦人今在武陵溪獨攀書室窺巖竇還  
訪仙姝歎石閨猶有愛山心未至不將雙腳踏  
飛梯

石臯城

平時戰國今無在陌上征夫自不閑北客初來  
試新險蜀人從此送殘山獨穿暗月朦朧裏愁  
渡奔河蒼茫間漸入西南風景變道邊脩竹水  
潺潺

礮溪石

墨突不暇黔孔席未嘗暖安知渭上叟跪石留  
雙髻一朝嬰世故辛苦平多難亦欲就安眠旅  
人譏客嬾

郾塢

衣中甲厚行何懼塢裏金多退足憑畢竟英雄  
誰得似臍脂自照不須燈

樓觀

秦始皇始立老子廟於觀南晉惠始修此觀

門前古碣卧斜陽閱世如流事可傷長有遊人  
悲晉惠強修遺廟學秦皇丹砂久窖井水赤白  
术誰燒厨竈香聞道神仙亦相過只疑田叟是  
庚桑

九月二十日微雪懷子由弟二首

岐陽九月天微雪已作蕭條歲暮心短日送寒

東坡集第一

六

砧杵急冷官無事屋廬深愁腸別後能消酒白  
髮秋來已上簪近買貂裘堪出塞忽思乘傳問  
西縣

江上同舟詩滿篋鄭西分馬涕垂膺未成報國  
慙書劔豈不懷歸畏友朋官舍度秋驚歲晚寺  
樓見雪與誰登遙知讀易東牕下車馬敲門定  
不應

病中聞子由得告不赴商州三首

病中聞汝免來商旅鴈何時更著行遠別不知  
官爵好思歸苦覺歲年長著書多暇真良計從

官無功漫去鄉惟有王城最堪隱萬人如海一身藏

近從章子聞渠說苦道商人望汝來說客有靈  
慙直道逋翁久沒厭凡才夷音僅可通名姓瘦  
俗無由辨頸顛荅策不堪宜落此上書求免亦  
何哉

章子惇也

辭官不出意誰知敢向清時怨位卑萬事悠悠  
付杯酒流年冉冉入雙髭策曾忤世人嫌汝易  
可忘憂家有師此外知心更誰是夢魂相覓苦  
參差

東坡集卷一

七

病中大雪數日未嘗起觀曉令趙薦  
以詩相屬戲用其韻荅之

經旬卧齋閣終日親劑和去不知雪已深但覺

寒無柰飄蕭窻紙鳴堆壓簷板墮

關中皆以  
板為簷風

飄助凝冽幃幔困軒歎惟思近醇醲未敢窺瓌  
瑳何時反炎赫却欲躬曰磨誰云座無氈尚有  
裘充貨西鄰歌吹發促席寒威挫崩騰踏成逕  
繚繞飛入坐人歡瓦先融飲雋餅屢卧嗟余獨  
愁寂空室自困垓欲為後日賞恐被遊塵浣寒  
更報新霽皎月懸半破有客獨苦吟清夜默自

課詩人例窮蹇秀句出寒餓何當暴雪霜庶以躡郊賀

歲晚相與餽問為餽歲酒食相邀呼  
為別歲至除夜達旦不眠為守歲蜀  
之風俗如是余官於岐下歲暮思歸  
而不可得故為此三詩寄子由弟

### 餽歲

農功冬已收歲事得相佐為歡恐無見假物不  
論貨山川隨出產貧富稱小大寘盤巨鯉橫發  
籠去雙兔卧富人事華靡綵繡光黼座貧者愧  
不能微摯出春磨官居故人少黑巷佳節過亦  
欲舉鄉風獨倡無人和

### 別歲

故人適千里臨別尚遲遲人行猶可復歲行那  
可追問歲安所之遠在天一涯已逐東流水赴  
海歸無時東鄰酒初熟西舍彘亦肥且為一日  
歡慰此窮年悲勿嗟舊歲別行與新歲辭去去  
勿回顧還君老與衰

### 守歲

欲知垂盡歲有似赴壑虵修鱗半已沒去意誰

能遮况欲繫其尾雖勤知柰何兒童強不睡相  
守夜謹譁晨雞且勿唱更鼓畏添搨坐久燈燼  
落起看北斗斜明年豈無年心事恐蹉跎努力  
盡今夕少年猶可誇

和子由踏青

春風陌上驚微塵遊人初樂歲華新人閑正好  
路傍飲麥短未怕遊車輪城中居人厭城郭喧  
聞曉出空四鄰歌鼓驚山草木動簞瓢散野鳥  
鳶馴何人聚衆稱道人遮道賣符色怒瞋宜蠶  
使汝蠶如甕宜畜使汝羊如麇路人未必信此  
語強爲買服襪新春道人得錢徑沽酒醉倒自  
謂吾符神

和子由蠶市

蜀人衣食常苦艱蜀人遊樂不知還千人耕種  
萬人食一年辛苦一春閑閑時尚以蠶爲市共  
忘辛苦逐欣歡去年霜降斫秋荻今年箔積如  
連山破瓢爲輪土爲釜爭買不翅金與紉憶昔  
與子皆童壯年年廢書走市觀市人爭誇鬪巧  
智野人喑啞遭欺謾詩來使我感舊事不悲去  
國悲流年

和子由苦寒見寄

人生不滿百一別費三年三年吾有幾  
棄擲理無還長恐別離中摧我鬢與顏  
念昔喜著書別來不成篇細思平時樂  
乃爲憂所緣吾從天下士莫如與子歡  
羨子久不出讀書蝨生氈丈夫重出處  
不退要當前西羌解仇隙猛士憂塞壩  
廟謀雖不戰虜意久欺天山西良家子  
錦緣貂裘鮮千金買戰馬百寶粧刀環  
何時逐汝去與虜試周旋

和子由論書

東坡集卷第一

十

吾雖不善書曉書莫如我苟能通其意常謂不  
學可貌妍容有顰蹙美何妨楸端莊雜流麗剛  
健含婀娜好之每自譏不謂子亦頗書成輒弃  
去繆被傍人裏皆云本闊落結束入細麼子詩  
亦見推語重未敢荷邇來又學射力薄愁官筭  
官箭十二把吾能十一把箭耳多好竟無成不精安用夥何當  
盡屏去萬事付懶惰吾聞古書法守駿莫如跛  
世俗筆苦驕衆中強嵬駝鍾張忽已遠此語與  
時左

記所見開元寺吳道子畫佛滅度以

荅子由

西方真人誰所見  
衣被七寶從雙後  
當時修道頗辛苦  
栢生兩肘烏巢肩  
初如濛濛隱山玉  
漸如濯濯出水蓮  
道成一旦就空滅  
奔會四海悲人天  
翔禽哀響動林谷  
獸鬼躑躅淚迸泉  
厖眉深目彼誰子  
遶牀彈指性自圓  
隱如寒月墮清晝  
空有孤光留故躔  
春遊古寺拂塵壁  
遺像久此霾香炷  
畫師不復寫名姓  
皆云道子口所傳  
從橫固已蔑孫鄧  
有如巨鰐吞小鮮  
來詩所誇孰與此  
安得攜掛其傍觀

和子由寒食

寒食今年二月晦  
樹林深翠已生煙  
遶城駿馬誰能借  
到處名園意盡便  
但挂酒壺那計盞  
偶題詩句不須編  
忽聞啼鴝驚羈旅  
江上何人治廢田

和劉長安題薛周逸老亭周最善飲酒未七十而致仕

近聞薛公子早退  
驚常流買園招野鶴  
鑿井動潛虬  
自言酒中趣一斗勝涼州  
翻然拂衣去親愛  
挽不留隱居亦何樂  
素志庶可求  
所亡嗟無

幾所得不啻酬青春爲君好白日爲君悠山鳥  
奏琴筑野花弄閑幽雖辭功與名其樂實素侯  
至今清夜夢尚驚冠壓頭誰能載美酒往以大  
白浮之子雖不識因公可與遊

中隱堂詩 并叙

岐山宰王君紳其祖故蜀人也避亂來長安而  
遂家焉其居第園圃有名長安城中號中隱堂  
者是也予之長安王君以書戒其子弟邀予遊  
且乞詩甚勤因爲作此五篇

去蜀初逃難遊秦遂不歸園荒喬木老堂前昔  
人非鑿石清泉激開門野鶴飛退居吾久念長

恐此心違

徑轉如脩蟒坡垂似伏鼇樹從何代有人與此  
堂高好古嗟生晚偷閑厭久勞王孫早歸隱塵  
土汚君袍

二月驚梅晚幽香此地無依依遠客皎皎似  
吳姝不恨故園隔空嗟芳歲徂春深桃杏亂笑  
汝益羈孤

翠石如鸚鵡何年別海壖貢隨南使遠載壓渭  
舟偏已伴喬松老那知故國遷金人解辭漢汝



獨不潛然

都城更幾姓到處有殘碑古隧埋蝌蚪崩崖露  
伏龜安排壯亭榭收拾費金貲岫嶼何須到韓  
公浪自悲

鳳翔八觀 并叙

鳳翔八觀詩記可觀者八也昔司馬子長登會  
稽探禹穴不遠千里而李太白亦以七澤之觀  
至荊州二子蓋悲世悼俗自傷不見古人而欲  
一觀其遺迹故其勤如此鳳翔當秦蜀之交士  
大夫之所朝夕往來此八觀者又皆跬步可至  
而好事者有不能徧觀焉故作詩以告欲觀而  
不知者

石鼓

冬十二月歲辛丑我初從政見魯叟舊聞石鼓  
今見之文字鬱律蛟虵走細觀初以指畫肚欲  
讀嗟如箝在口韓公好古生已遲我今況又百  
年後強尋偏傍推點畫時得一二遺八九我車

既攻馬亦同其魚維鱣貫之柳其詞云我車既

云其魚維何維鱣維鯉何以貫之惟古器縱橫

揚與柳惟此六句可讀餘多不可通猶識鼎衆星錯落僅名斗模糊半已似癡胝詰

曲猶能辨跟肘娟娟缺月隱雲霧濯濯嘉禾秀  
莨莠漂流百戰偶然存獨立千載誰與友上追  
軒頡相唯諾下揖水斯同勳穀憶昔周宣歌鴻  
鴈當時籀史變蝌蚪厭亂人方思聖賢中興天  
為生耆耆東征徐虜闕虓虎北伏犬戎隨拍嗾  
象骨雜沓貢狼鹿方邵聯翩賜圭卣遂因鼓鼙  
思將帥豈為考擊煩矇眊何人作頌比崧高萬  
古斯文齊岫嶺勲勞至大不矜伐文武未遠猶  
忠厚欲尋年歲無甲乙豈有名字記誰某自從  
周衰更七國竟使秦人有九有掃余詩書誦法  
律投弃俎豆陳鞭杻當年誰人佐祖龍上蔡公  
子牽黃狗登山刻石頌功烈後者無繼前無偶  
皆云皇帝巡四國烹滅強暴救黔首六經既已  
委灰塵此鼓亦當遭擊剖傳聞九鼎淪泗上欲  
使萬夫沉水取暴君縱欲窮人力神物義不汙  
秦垢是時石鼓何處避無乃天公令鬼守興亡  
百變物自閑富貴一朝名不朽細思物理坐歎  
息人生安得如汝壽

### 咀楚文

碑獲於開元寺土下今在  
太守便廳秦穆公葬於雍

橐泉祈年觀下今墓在開元寺之  
東南數十步則寺豈祈年之故墓

取淮南王遷於蜀至雍道病卒則雍非長安此乃古雍也

淨嶽開元寺髮髯祈年觀舊築掃成空古碑埋  
不爛詛書雖可讀字法嗟久換詞云秦嗣王敢  
使祝用瓚先君穆公世與楚約相捍質之於巫  
成萬葉期不叛今其後嗣王乃敢搆多難剗胎  
殺無罪親族遭圍絆計其所稱許何啻桀紂亂  
吾聞古秦俗面詐背不汗豈惟公子印社鬼亦  
遭謾遼哉千歲後發我一笑粲

王維吳道子畫

何處訪吳畫普門與開元開元有東塔摩詰留

東坡集第一

十五

手痕吾觀畫品中莫如二子尊道子實雄故浩  
如海波翻當其下手風雨快筆所未到氣已吞  
亭亭雙林間彩暈扶桑曠中有至人談寂滅悟  
者悲涕迷者手自捫蠻君鬼伯千萬萬相排競  
進頭如寵摩詰本詩老佩芷襲芳蓀今觀此壁  
畫亦若其詩清且敦祇園弟子盡鶴骨心如死  
灰不復溫門前兩叢竹雪節貫霜根交柯亂葉  
動無數一一皆可尋其源吳生雖妙絕猶以畫  
工論摩詰得之於象外有如仙翻謝籠樊吾觀  
二子皆神俊又於維也斂衽無間言

維摩像唐楊惠之塑在天柱寺

昔者子輿病且死其友子祀往問之躄躄鑿井  
自嘆息造物將安以我為今觀古塑維摩像病  
骨磊嵬如枯龜乃知至人外生死此身變化浮  
雲隨世人豈不碩且好身雖未病心已疲此叟  
神完中有恃談笑可却千熊羆當其在時或問  
法俛首無言心自知至今遺像兀不語與昔未  
死無增虧田翁俚婦那肯顧時有野鼠銜其髭  
見之使人每自失誰能與結無言師

東湖

東坡集卷一

十六

吾家蜀江上江水綠如藍爾來走塵土意思殊  
不堪況當岐山下風物尤可慙有山秃如赭有  
水濁如汙不謂郡城東數步見湖潭入門便清  
奧恍如夢西南泉源從高來隨坡走涵涵東去  
觸重阜盡為湖所貪但見蒼石螭開口吐清甘  
借汝腹中過胡為目耽耽新荷弄晚涼輕棹極  
幽探飄飄忘遠近偃息遺佩蓼深有龜與魚淺  
有螺與蚶曝晴復戲雨戢戢多於蠶浮沉無停  
餌倏忽遽蒲籃絲緡雖強致瑣細安足戡聞昔  
周道興翠鳳棲孤嵐飛鳴飲此水照影弄毵毵

豈惟此地少意恐關中獨小橋過南圃夾道多  
喬木隱如城百雉挺若舟千斛陰陰日光淡黯  
黯秋氣蓄盡東爲方池野鴈雜家鷺紅梨驚合  
抱映島孤雲馥春光水溶漾雪陣風翻撲其北  
臨長溪波聲卷平陸北山卧可見蒼翠間磽秃  
我時來周覽問此誰所築云昔李將軍負嶮乘  
衰叔抽錢筭間口但未推羹粥當時奪民田失  
業安敢哭誰家美園圃籍沒不容贖此亭破千  
家鬱鬱城之麓將軍竟何事蟣蝨生刀韜何嘗  
載美酒來此駐車轂空使後世人間名頸猶縮  
逐

俗鍾謂皇后園蓋  
茂正謂其妻也

我今官正閑屢至因休沐人

### 秦穆公墓

橐泉在城東墓在城中無百步乃知昔未有此  
城秦人以泉識公墓昔公生不誅孟明豈有死  
之日而忍用其良乃知三子徇公意亦如齊之  
二子從田橫古人感一飯尚能殺其身今人不  
復見此等乃以所見疑古人古人不可望今人  
益可傷

和子由聞子瞻將如終南太平宮谿

堂讀書

役名則已勤徇身則已媮我誠愚且拙身名兩  
無謀始者學書判近亦知問囚但知今當爲敢  
問嚮所由士方其未得唯以不得憂旣得又憂  
失此心浩難收譬如倦行客中路逢清流塵埃  
雖未脫暫憩得一漱我欲走南澗春禽始嚶吻  
鞅掌久不決爾來已徂秋橋山日月迫府縣煩  
差抽王事誰敢愬民勞吏宜羞中間罹旱暵欲  
學喚雨鳩千夫挽一木十步八九休渭水涸無  
泥菑堰旋插修對之食不飽餘事更遑求近日  
秋雨足公餘試新筍劬勞幸已過朽鈍不任鏹  
秋風欲吹帽西阜可縱遊聊爲一日樂慰此百  
日愁

將往終南和子由見寄

人生百年寄鬢鬢富貴何啻葭中葦惟將翰墨  
留染濡絕勝醉倒蛾眉扶我今廢學如寒竽久  
不吹之澀欲無歲云暮矣嗟幾餘欲往南溪侶  
禽魚秋風吹雨涼生膚夜長耿耿添漏壺窮年  
弄筆衫袖烏古人有之我願如終朝危坐學僧

跌閉門不出閑履鳧下視官爵如泥淤嗟我何  
為久跼蹐歲月豈肯為汝居僕夫起餐秣吾駒  
七月二十四日以久不雨出禱磻溪  
是日宿號縣二十五日晚自號縣渡  
渭宿於僧舍曾閣閣故曾氏所建也  
夜久不寐見壁有前縣令趙薦留名  
有懷其人

龕燈明滅欲三更欹枕無人夢自驚深谷留風  
終夜響亂山銜月半床明故人漸遠無消息古  
寺空來看姓名欲向磻谿問姜叟僕夫屢報斗  
標傾

二十六日五更起行至磻溪未明  
夜入磻溪如入峽照山炬火落驚猿山頭孤月  
耿猶在石上寒波曉更喧至人舊隱白雲合神  
物已化遺蹤蜿安得夢隨霹靂駕馬上傾倒天  
瓢翻

是日自磻溪將往陽平憩於麻田青  
峯寺之下院翠麓亭

不到峯前寺空來渭上村此亭聊可喜脩徑豈  
辭捫谷映朱欄秀山含古木尊路窮驚石斷林

缺見河奔馬困嘶青草僧留薦晚餐我來秋日  
午旱久石床温安得雲如蓋能令雨瀉盆共看  
山下稻涼葉晚翻翻

二十七日自陽平至斜谷宿於南山

中磻龍寺

橫槎晚渡碧澗口騎馬夜入南山谷

音谷

谷中暗

水響瀧瀧嶺上踈星明煜煜寺藏巖底千萬仞  
路轉山脊三百曲風生飢虎嘯空林月黑驚麀  
竄脩竹入門突兀見深殿照佛青燧有殘燭媿  
無酒食待遊人旋斫杉

松煮溪藪穢閣獨眠驚

二十一

旅枕才魚曉動隨僧粥起觀萬瓦鬱參差目亂  
千巖散紅綠門前商賈負椒苻山後咫尺連巴  
蜀何時歸耕江上田一夜心逐南飛鵠

是日至下馬磧憩於北山僧舍有閣  
曰懷賢南直斜谷西臨五丈原諸葛  
孔明所從出師也

南望斜谷口三山如犬牙西觀五丈原鬱屈如  
長蛇有懷諸葛公萬騎出漢巴吏士寂如水蕭  
蕭聞馬搥公才與曹丕豈止十倍加顧瞻三輔  
間勢若風捲沙一朝長星墜竟使蜀婦髻山僧



豈知此一室老煙霞往事逐雲散故山依渭斜  
客來空弔古清淚落落悲笳

東坡集卷第一

至正廿三年二月廿三日借讀





